

4

ELIXER, SEV MEDICINA VITAE,

Seu

MODVS CONFICIEN-
DIVERVM AVRVM, ET AR-

gentum potabile cum vtriusq; virtutibus, & potestati-
bus secundum antiquorum, & neoterico-
rum consensum, —

Olim à

SAMVELE NORTONIO BRISTOL-

lenfi inchoatus:

Nunc verò

Editus industriâ, & operâ

EDMVNDI DEANI ANGLI, MED. D. EBO-
racensis *Medici* auctior, & perfectior.

*Cui etiam accessit modus reddendum vitrum ducti-
le, & malleabile,*

Paracelsus.

Recta via facilis, sed à paucissimis reperitur.

Terentius.


Vna ad quodlibet cuius accedendi via non est.



FRANCOFURTI,

Typis Caspari Röteliij, Impensis Guilielmi Fitzeri,

Anno M. DC. XXX.





Illustriſſimo Heroi, ac Domino

D. EDMUNDO SHEFEILDO

COMITI MULGRAVIENSI, DOMINO, SEV

Baroni de Butterwycke, insignis Equeſtris ordinis Gar-
therij, ſeu Perſcelidis Sodali, D. ſuo
colendiſſimo.

HONORANDE COMES.




ON letheos iſtos adeò deglutimus amnes, tuæ vt eſſe-
mus aliquando immemores dignitatis, quibus virtutis
recordandæ tam iuſta data eſt indies, & frequens anſa.
Nec cùm Reipublicæ ſtudemus commodo, patriæ be-
nè merëtibus ſic aduerſamur impiè, vt ij à nobis maxi-
mis non habeantur in honorum faſtigiis, quorum ope-
ra fatemur fieri, dies nos iſtos habere, quos iam ducimus, pacatos, &
verè halcyoneos. Iſtiusmodi, quos pepererunt dies, artis fructus Chy-
micæ, tibi dicamus, & honori tuo lubentiſſimè: nec eo hocce tibi offe-
rimus tandem animo, Antonianis iſtis ac ſi invidere penitùs; ſed vt de-
bitum Nortonianis iuſtum perſolvere lubet meritis. Fecit ille, quod
potuit. Noſter verò hic, vel quod artifex voluit. Qui dùm Aurum tibi
ſuum propinandum præbet, gratos, quos præbet effectus Aurum po-
tabile, dignitati tuæ precatur, & ſeriò optat

Honori tuo

additiſſimus

Edmundus Deanus.

Tabula, seu Ramus Arboris Philosophica de Lapide benedicto, seu Elixere vite, nempe de Auro, & Argento potabili.



Quamquam liquores Lunę, & Solis, auri scilicet, & argenti, dici possunt Aurum, & Argentum Potab. Si prius in balnei digestionem confortentur per 7. dies cum puro, & rectificato vini Spiritu posito super eorum liquores solutos, & iterum per Alembicum abstracto, ut liquorum solutiones, siue olea in fundo remaneant, & sic tuto dari, ac bibi pro Medicinis possint: attamen aliud Philosophis placet. Hic enim volunt, atque docent, ut metalla prius in Quintam reducantur essentiam, antequam intus per os sumantur; & quod nullę sunt verę Quintę essentię præter eas, quę secundę sunt naturę, iuxta illud dictum antiquum:

Elixer de se est secunda,

De quo sunt facta corpora munda:

Nempè 4. elementa prius destructa, & per putrefactionem novum corpus creatum, & Lapis factus: qui, ut Riplæo placuit, Quinta est essentia. Sed ego audacter affirmo, quod nullum est verum Aurum, siue Arg. Potab. nec Quinta essentia, nisi sit prius Elixer, & illud tunc efficitur in quarta unius horę parte per projectionem Elixeris super aurum, vel argentum purum, & fusum, secundum quod Elixer fuerit album, vel rubeum.

Iam igitur ut de hisce Elixeribus, siue Medicinis vitę plenius loquamur; sciendum est, quod Hermes de fermentatione loquens; iubet Solem, & eius umbram accipere. Per umbram, lunam intelligit: quia respectu dignitatis, luciditatis, & potestatis, Sole multo imbecillior & inferior est, & solem, sicut umbra corpus, sequitur, nec illuminatur, nisi cum solis lumine. De corpore igitur, id est, de auro prius loquendum est, ut postea ad umbram, nempè argentum veniamus.

De quo quidem auro in lib. de Arte Chymica ad hunc modum scribitur: Philosophorum Lapis ex solo auro, solaque natura conficitur; & is est sublimior, qui omnes ægritudines curare à Philosophis perhibetur.

Secundum igitur huius Philosophi sententiam à solo auro, & Medicina, quę Quinta est essentia antiqua, & sana, incipere decreuimus.

Sed ut melius & purius fiat hoc aurum, potest duobus modis purgari, nempè per antimonium, ut more aurifabrorum cum eo fundatur, donec in fundo remaneat corpus auri fusum, clarum, & à cætero-

Elixer.

A 3

rum

Sol, Aurum,
Luna, Ar-
gentum.

Sol fufus.

rum metallorum peioritate depuratum, & depriuatatum, quod ab eis Rex dicitur: vel per aquæ corrosivæ solutionem, cui laminæ cupreæ eorummore imponuntur; quod aurum dicitur aquaticum.

Proiectio
Medicinæ
rubeæ.

Auro sic præparato, proiice super eius partes 100. Elixeris rubei, siuè Medicinæ rubeæ partem vnam, & tota ea auri fusi pondera conuertentur in massam rubeam, frangibilem, & puluerizabilem, Quæ massa benè teratur super marmore, donec fiat puluis impalpabilis.

Solutio So-
lis.

Has centum partes, vel quantum volueris, solve aut in aceto distillato, aut in Spiritu vini, & pone in balneo ad digerendum vnus, aut duorum dierum spatio. Tunc abstrahæ Spir: vini ab eo in eodem balneo, & in fundo remanebit fixum, & purum oleum auri: quod tùm sit verum Aurum Potab. & Elixer vitæ spirituale.

Vel si statim cupias alicui dare de eo puluere, calefacito vinum album, vel Rhenanum, aut Hispanicum, & in eorum aliquo dissolue tantum pulueris contriti, quantum sufficiat ad vinum tingendum in rubeum colorem, & vinum sic tinctum erit Aurum Potab. verum & perfectum ad sanandum ægri tudines. Melius tamen, & penetrabilius foret, si cum oleo tingeretur.

Luna fusa.
Proiectio
Medicinæ
albæ.
Solutio Lu-
næ.
Elixer vitæ
album.

Pariformiter cum Medicina alba (seu Elixer album) proiicienda est, post depurationem Lunæ, siuè argenti in aqua corrosiva, sicut prius declaratum est. Et sic argentum fusum conuertetur in puluerem frangibilem, & massam albam: quæ pariter soluta, in oleum erit conuersa. Et sic fit Elixer vitæ album, & Argentum Potab.

His iam peractis, & finitis, quæ Philosophi antiqui Elixera vitæ nominauerunt: nunc restat, vt de eorum virtute, & potestate loquamur, sicut inter eos præcipuè invenimus, & quosdam etiam modernos: Si prius admonuero, non putandum esse, quòd Medicina Lunæ tantam habeat virtutem, quantum Solis tenet Elixer.

Ex correcti-
one fatuorū.

Vnde Author in lib. vocato Correctio Fatuorum sic dicit: Cum autem inter vulgares, & Philosophos aurum famam teneat, quòd in prima sua dispositione manens, lepram curet, & plures alias virtutes habeat: hoc autem est propter completam eius digestionem; quia excellentia ignis in eo agens, omnes malos humores consumit in corporibus ægris existentibus, tam in calidis, quàm in frigidis causis. Sed hoc argentum facere nō potest, quia tantam ignis superfluitatem non habet,

bet, nec tantùm est digestum & decoctum naturali maturitate. Tamen isto non obstante, igneitate occultè, & virtualiter in se habet, sed non ita plenè: quia adhuc ignis non facit tales qualitates elementales, sicut in auro: Et ideo argentum in prima sua dispositione manens, non curat lepram ita potenter, nisi priùs degeratur per artem, quo vsq; habebat gradus summos auri in omni maturitate. Quare alia ægra corpora metallica minùs curât infirmitates, secundùm quòd magis differunt in perfectione, & maturitate ab eis; quod est ex defectu sulphuris sui infecti, foetidi, & vrentis, ex quo, generatione, & coagulatione sua facta sunt ab initio, & ideo non curant.

Cùm ergò (procedendo inquit) aurum tanti vigoris sit apud vulgares, & hoc in prima sua dispositione manens, quare non mirum, sicut expertum est, si aurum in Medicinam per artis ministerium sequentis naturam redigatur, & eius virtus subtilietur per digestionem decoctionis, & qualitarum purgationem, quòd multas, seu omnes ægritudines habeat tunc curare.

Postea sic inquit idem author: De sene facit iuuenem, & reuiuiscere facit, seruat sanitatem, corroborat naturam, & omnem ægritudinem corporis expellit: Venenum à corde declinat, arterias humectat, contenta in pulmone dissoluit, breuiter totum corpus habile reddit.

Super huius Elixeris vitæ virtutes, & potestates sic inquit tam Bauzan, quàm Calid Philosophi: Eius natura est caliditas multa cum temperamento. Habet autem proprietates & virtutes multas: nam ipsum mundificat corpus ab additionibus accidentium ægritudinum, & conseruat substantias saluas, ita vt non appareant, neque videantur in eo turbationes contrariorum, nec figmentum sui vinculi. Hoc est vita mortuorum, & eorum resurrectio, Medicina conseruans corpus, & purgans superfluitatem.

Vnde in Ludo puerorũ de vsu huius Medicinæ sic infertur: Modus vtendi Medicinã talis est secundùm omnes Philosophos: Si vis nostrã Medicinam vscendo vti, recipe de Elixere nostro pondus duorum Florenorum ducatorum ad vnã libram alicuius confectionis, & comede de ista cõfectione in hyeme pondus vnus drachmę. Quod si feceris, omnes infirmitates corporales ex quacunq; causã siue calida

Bauzan,
Calid.

Ex Ludo
puerorum.

lida, siuè frigida fuerint, depellet, & conseruabit sanitatem, & iuuentutem in homine, & de sene facit iuuenem, & facit cadere canos crines.

Item, nostrorum venenum Philosophicum curat lepram confestim, phlegma dissoluit, sanguinem mundificat, visum, & omnes sensus acuit, & ingenium miro modo super omnes medicinas Philosophorum.

Ex Rosario
Philosophorum.

In Rosario Philosophorum sic habetur: In hoc (nempe Elixere vitæ) completur pretiosum Dei donum, quod est super omne mundi scientiarum arcanum, & incomparabilis thesaurus thesaurorum. Quia, ut dicit Plato, qui habet istud Dei donum, mundi habet dominium, quoniam ad finem diuitiarum peruenit, & naturæ vinculum confregit: Non tam ex eo quod habet potestatem conuertendi omnia corpora imperfecta in purissimum Solem, & Lunam, sed magis ex eo, quod hominem, & quodlibet animal præseruat in conseruatione Sanitatis.

Et ita deinceps: Lamina verò crySTALLINA, quæ est Medicina alba, si datur in quantum granum sinapis febricitanti, curat ipsum. Etiam leprosus, si per quatuor anni tempora de eadem lamina purgatus fuerit cum puluere rubeo, curatur. Et uterque puluis, albus & rubeus sanat ischiados; sanat etiam paralyfin. Item, si puluis teneatur ad nares in partu laborantium, liberantur. Hoc dicit Hermes.

Hermes.

Et ab eodem Hermere alibi dicitur: Si de Elixere nostro omni die, usque ad 7. dies sumpseris pondus semioboli, capilli tui cani de capite tuo cadent, & renascuntur nigri, & ita de sene fies iuuenis, & fortis.

Geber.

Geber quoque profert, quod Elixer rubeum curat omnes infirmitates, de quibus Medici desperauerunt, & facit hominem iuuenescere, ut aquila, & per 500. annos viuere, & amplius, ut aliqui Philosophi fecerunt, qui vsi eo fuerint tribus vicibus semel in hebdomada in quantum granum sinapis. Quare nota, inquit, quod omnes infirmitates, quæ à vertice capitis usque ad plantas pedum generantur, si fuerint vnius mensis, in vno die; si vnius anni, in 12. diebus; si ex longo tempore, in mense curantur. Quia sicut curat omnia metalla infecta ab omni infirmitate, sic & humana corpora. Quapropter Lapis noster benedi-

nedictus non immeritò Theriaca maior tam corporum humanorum, quàm metallorum dicitur.

Audiamus etiam Arnoldum de Villa noua his consentientem : Arnoldus de
Villa noua.
Hic Lapis noster, inquit, virtutem habet efficacem, omnem sanandi infirmitatem super omnes alias medicinas medicorum. Nam animum lætificat, virtutem augmentat, conseruat iuuentutem, & remouet senectutem. Non enim permittit sanguinem putrefieri, nec phlegma superdominari, nec choleram aduri, nec melancholiam superexaltari: immò sanguinem suprà modum multiplicat, contenta in partibus spiritalibus purgat, & omnia corporis membra efficaciter restaurat, & à læsione custodit : Et generaliter, omnes tam calidas, quàm frigidas; tam siccas, quàm humiditas infirmitates arctissimè sanat, præ omnibus aliis medicinis medicorum. Quoniam si ægritudo fuerit vnus anni, sanat in 12. diebus: Si verò antiqua fuerit ex multo tēpore, sanabit in vno mēse: Et breuiter omnes malos humores expellit, bonosq; inducit.

In Scala Philosophorum sic legimus: Lapis Philosophorum (nempe Elixer rubeum) virtutem habet efficacem ad sanandum omnem ægritudinem super omnes alias medicorum medicinas. Nam animum lætificat, virtutem augmentat, sanitatem conseruat, iuuentutem renouat, & senectutem retardat: Et Aurum sic factum per magisterium fit Potabile per accumulationē Quintæ essentiæ nostræ super ipsum, donec pariter inspissentur: Et tunc habetur Aurum Potab. verissimum balsamum Philosophorum: quod est pretiosissimum Dei donum. Ex Scala
Philosopho-
rum.

De quo Raymundus Lullius sic dicit : Valet ad omnes morbos, excepto decretæ mortis termino. Et alibi: Restat igitur rem quærere, quæ citra terminum vitæ nostræ possit corpus nostrum à putrefactione seruare, infirmum curare & restaurare, donec veniat vltima mors in termino præfixo ab altissimo Creatore. Sed nulla medicina in mundo hoc poterit præstare, nisi nostrum menstruum vegetabile, cœleste animal, quod dicitur Quinta essentia, qua corpus è corruptione conseruatur, & iuuentus pristina restauratur. Raymundus
Lullius.

De quo Lullio Georgius Riplæus Anglus sic loquitur: Raymundus, cum propter senectutē vicinus esset morti, ex Oleo Philosophorum fecit Aurum Potabile; quod illum reuificauit. Georgius
Riplæus.

De Tinctura Physicorum, præter ea, quæ in libro de Tinctura Paracelsus.
Elixer: B Phy-

Physica, & Alchymica priùs scripsimus ex eo, sic dicit: Physicorum in Ægypto primorum aliquot, ac priscorum per hanc Tincturam 150. annos vixerunt. Item, vita multorum ad aliquot secula producta, prolongataque fuit, prout habetur in diuersis historiis apertissimè; quod nemini fermè credibile videretur. Eius namque vis tam admirabilis existit, vt Corpus humanum longius producat, quàm agnatę naturę possibile sit, ac in eo gradu id firmiter conseruat, adeò vt ab omnibus infirmitatibus tutum viuat. Et licet senectam quidem habeat; apparet tamen nihilominus, vt in priuā iuuentute cōstitutum. Hęc enim Tinctura est Catholicon Physicorum, propter quod, vitam longam profecti sunt omnes Physici ad resistendum morbis; & per hoc vniuersale, id maxime consecuti sunt, & efficacissimè, iuxtaq; suum arbitrium, Tincturam physicam nominarunt.

Modernus
quidam.

Quidam etiam è recentioribus sic scribit: Quinta veterum essentia tantę est virtutis, vt humidum radicale eā, veluti flamma Scuo, optimè conseruetur. Quod Raymundus Lullius benè nouit, & eā vsus est; & cum à Sarracenis occisus fuit, erat annorum 150. & apparebat iuuenis, & si Deus sic voluisset, superasset 200. Eā enim singulis diebus utebatur, vt humidum radicale conseruaretur.

Augurellus.

De hoc Quinta essentia Augurellus sic scribit:

*Quin etiam humano docuit de corpore pelli
Hac omnes validā morbos, faciliq; medelā,
Seruariq; diū nitido cum flore inuentum,
Et senium placidos produci grande per annos.*

Valescus de
Taranta.

De qua Medicina Valescus de Taranta sic dicit: Sine dubio Lapis, seu Medicina Philosophorum inter proprietates optimas, & operationes, quas perficit in corpore humano, habet proprietatem frangendi lapidem in renibus, & vesica, & mundificandi vtrumque, vt dicit Berienfis.

Berienfis.

Ægidius.

Ægidius autem sic inquit: Cum ista Medicina poteris omnem infirmitatem, etiam desperatam sanare.

Rogerus
Baconus.

Rogerus Baconus Anglus sic habet: Vltimus gradus, in quem potest artis complementum cum omni naturę potestate, est prolongatio vitę vsq; in magnum tempus. Quòd autem hoc sit possibile, multa experimenta docuerunt.

Scotus

Scotus sic : Si Elixeris quantitate grani cum vino aliquo claro Scotus.
miscueris, lepram sanat, scabiem, imperiginem, omnem febrem, & calorem tollit in continenti : omnem corruptum humorem de corpore humano euellit, omneque membrum contractum erigit, & in iuuentute conseruat. Quid plura ? Nullus, qui vsus est hoc potu, infirmitatem aliquantulo tempore cognosceret, sed semper erit latus, & iucundus.

Laurentius Ventura hoc modo: Hic Lapis habet excellentissimas Laurentius
virtutes super omnes alios lapides. Homines enim in sanitate, & iu- Ventura.
uentute conseruat repellendo ab eis cunctos languores in tantum, quod lepram depellit, caducum morbum, & alias multas ferè incurabiles infirmitates mulcet, ac etiam remouet. Preseruat quoque & protegit hæc Medicina, nè quis morbus ei aduenire in futurum possit; Sicque fit antidotus & medicina omnium corporum humanorum curandorum.

Robertus Vallenfis ad longū sic habet: Elixer, siuè Medicinam vi- Robertus
tæ, seu Aurū potabile appelles, miram certè vim habet : Nam omnem Vallenfis.
hominem siuè extrà, siuè intrà ægrum, ad sanitatem breuissimo tempore restituit: quia elementa ipsa, quæ à naturali Symetria deflectunt, & actiones labefactatas, humoresque peccantes ad naturam suam reducit. Est enim res ferè incorruptibilis. temperata, purificata, & secreta à fecibus 4. elementorum, quæ sunt corruptionis potissimum causa. Ideò temperatum corpus, & sanum efficit, veluti Spiritus vitæ, cuius vi, & ope natura digerit indigestibile, & omne indigestum educit, omnes qualitates superuacuas, & peccantes abscindit, (spiritum viuificat, molle indurat, durum mollicat, spissum rarefacit, tenue inspissat, macrum impinguat, pingue extenuat, calidum refrigerat, frigidum exalfacit, humidum desiccet, siccum humectat, & calorem naturalem, seu humidum substantificum corroborat, & confirmat; estque; veluti (vt multi scribunt) medicinale corpus vniuersale, ad quod omnes medicinarum particularitates, facultatesque sunt reductæ, ac infusæ; propterea quod est illa Quinta veluti quædam natura, à veteribus Philosophis inducta, siuè essentia & anima tenuissima, purgatissima, putrefactioni & corruptioni diutissimè, plurimumque resistens, & quàm ægerrimè, & laboriosissimè corruptibilis, in æqualitate, & ho-

mogenietate consistens, soluta ab omni concretionē mortali, cœlestis, simplexque elementorum substantia, veluti temperata ex ipsis elementis, purificata, & secreta à materia crassiori, & superfluitate heterogenea 4. elementorum, sublimatione illa chymica. Morbus, inquitur medici, est immoderatio, siuè intemperies 4. elementorum, siuè humorum ex quibus corpus humanum & consistit, & ægrotat, & valet. Atqui Medicina chymica, siuè Aurum Potabile, res est homogēnea, & vniformis substantia, in æqualitate consistens, anima subtilissima, secreta à fecibus, & veluti simplex elementorum substantia, & idē temperata, corruptioni, siuè putrefactioni quā minimū obnoxia. Quare corporis humani elementa, seu humores temperat, caloremque insitum & humidum substantificum corroborat, & ægrum sanitati, moderationi, & temperiei restituit; Sicque ad præsinitum à Deo vitæ terminum à morbo tutum atque integrum conseruabitur: si modò illā Medicinā prudenter vtendo, naturæ suæ vires, & corporis complexionem aliās supra modum non læserit.

Ex Aurora
Consurgen-
te, & Clan-
gore Buccinæ.

Denique vt ad generalem Philosophorum consensum veniam, & vt ea dicant, quæ ex eorum scriptis in lib. Auroræ Consurgentis, & in Clangore Buccinæ reperiuntur; Sciendum est, quod antiqui Sapientes quatuor principales effectus, siuè virtutes in hac gloriosa, thesauraria, consolatrice, & adiutrice scientia reppererunt.

Primo, dicitur corpus humanum à multis infirmitatibus sanare: Secundò, corpora imperfecta metallica restaurare: Tertio, lapides ignobiles in gemmas quasdam pretiosas transmutare: Quartò, omne vitrum ductile facere, siuè malleabile. \

1. De primo consenserunt omnes Philosophi: Quod quando Lapis hæmatites perfectè rubificatus fuerit, non solum facit mirabilia in corporibus solidis, sed etiam in corpore humano: de quo non est dubium. Nam omnem infirmitatem, ab intra sumendo curat, ab extra sanat vngendo. Dicunt enim Philosophi, quod si datum fuerit de eo in aqua, vel vino tepido paralyticis, phreniticis, hydropicis, leprosis, curat eos. Alij Sapientes dicunt, quod guttam rosaceam elidit, sapè vngendo. Hinc etiam passio cardiaca, hæctica, iliaca, colica, & ictericia, & morbus S. Ægidij, cum epilepsia, & omnes species febrium per eam curantur Medicinam, sumendo plerumque. Arthritica per eam curatur,

curatur, vngendo, & quicquid est in ægroto stomacho, hoc tollit, & omnem fluxum humorum peccantium stringit, & consumit, potando, vel vngendo, omnemque melancholiam, siue mentis mœstitiam, ieiuno stomacho sumpta, repellit, & omnem fluxum rheumaticū excicat. Est etiam infirmorum oculorum optima sanatrix. Nam omnem fluxum lachrymarum stringit, lipposos attenuat, ruborem depellit, pellem, vel tunicam delendo molliciat.

Tela, albugo, cornu, vngula, cataracta, inuersio palpebrarum, æstus, tenebræ, & inflaturæ oculorum. Hæc omnia per Medicinam hanc Philosophicam facillimè curantur.

Cor, & spiritualia confortat, potando; dolorem capitis mitigat vngendo: præbet etiam surdis auditum, & omni dolori aurium succurrit inflaturis; nervos contractos rectificat, vngendo; dentes corrosos restaurat, lauando, & fætorem anhelitus dulcorat.

Sanantur etiam per eam omnia genera apostematum, vngendo, vel emplastrando, aut puluerem siccum intromittendo. Ulcera, vulnèra, cancer, fistula, noli me tangere, anthrax, serpignes, impetignes, attractiones, scabies, pruritus, & tinea per eam sanantur. Cicatrices per ipsam planantur, ita vt caro noua regeneretur: Vinum corruptum, & acidum, si permisceatur, reparatur; calculus indè soluitur, si bibatur: venenum expellit, sumendo: occiduntur etiam vermes, si in puluere detur: capilli subuillo sic per eam vngendo, remouentur. Rûgas in facie, & omnes maculas delet vngendo, & faciem iuuenilem facit. Mulieribus in partu laborantibus sumpta, auxiliatur: fætum mortuum emplastrando educit: vrinam prouocat, coitum excitat, & augeat: ebrietatem prohibet: memoriam inducit: humidum radicale augmen-
tat: naturam vigorat, nec non multa alia bona corpori humano ministrat.

Quia hæc Medicina est super omnes medicinas aliorum medicorum: præstantior in odore, sapore, virtute, & effectu: Et est notandum, quòd hæc Medicina est semper medicinæ apotheticæ ad morbum depellendum deputatæ permiscenda.

2. De secundo scribitur, quòd omnia metalla imperfecta, transmutat in colore, substantiâ, perseverantiâ, pondere, ductibilitate, liquesfactione, duritie, & molli-
tie.

Elixer.

B 3

3. De

3. De tertio scribitur, quòd lapides in gemmas pretiosas transformat, siuè transmutat: De quibus in alio libello, Deo concedente, huic operi dicato plenius agere decreuimus.

4. De quarto scribitur, quòd vitrum reddit malleabile, immiscendo, nempe de puluere, quando illud liquefcit.

Vitrum malleabile vt fiat.

Si iam itaq; cupias purum, & candidum efficere vitrum malleabile, discce hoc à nobis: sed caue, de quo vitri metallo accipis. Nam recusandum est metallum è filice productum, quod vitrum facit fenestrale, & sumendum vitri metallum de sodis factum, vti Veneti solent vitrum componere suum. Illud autem eliciendum erit de matutino vitri metallo, quod in igne stetit fufum in fornace vitrearia per spatium totius noctis. Nam illud vitrum erit in operatione sine ruga, vel macula, aut impuritate. Tolle itaque de vitriaria fornace tantum eiusdem vitri super virgam ferream tuam, quantum vis, & cum infrigidatur, pondera, quantum conuerti cupis, & per se in olla liquefacito. Quo benè liquefacto, proiice de puluere Elixeris tui albi corporalis, & in metallum ductile, & malleabile conuertetur tuum metallum, seu vitrum, ad omnes aurifabrorum operationes aptum, & idoneum. Et sic fit vitrum malleabile, & cuius vsui paratum. Sed si hoc cum rubeo factum esset Elixere, multò esset ditius: nam pretiosior multò res est; de qua non est hic dicendum; quia alibi de ea agemus.

F I N I S.

